

Concello de San Sadurniño

Expediente núm.: 946/2023

RESOLUCIÓN DE ALCALDÍA

Á vista da solicitude realizada pola entidade “AGFA do Eume”, con CIF G70147848 e número de rexistro de entrada 2024-E-RE-893 de 5 de setembro de 2024,

Visto que o Anexo de Subvencións nominativas que acompaña ao Orzamento 2024 inclúe unha previsión de subvención de 4.000,00€ para a entidade solicitante, consignados na partida 1710.48000,

Examinada a documentación presentada, vista a Ordenanza Xeral de Subvencións do Concello de San Sadurniño e de conformidade co artigo 21.1 f) e s) da Lei 7/1985, de 2 abril, Reguladora das Bases de Réxime Local,

RESOLVO

PRIMEIRO. Outorgar unha subvención directa nominativa con cargo á aplicación 1710.48000 do orzamento de gastos da Corporación para 2024 ao beneficiario “AGFA do Eume” pola cantidade de 4.000,00€

SEGUNDO. Formalizar a subvención no correspondente convenio, no que se detallen as obrigas e compromisos do concesionario para aplicar a subvención e xustificala, coas previsións que se sinalan como anexo á presente resolución, que terá carácter de bases reguladoras da mesma.

TERCEIRO. Notificar aos interesados o outorgamento da concesión da subvención, comunicando que o prazo para que se presente a documentación xustificativa da subvención finaliza o 30 de novembro de 2024, pudiendo solicitarse prórroga de ata un mes máis.

CUARTO. Fornecer a información sobre a concesión á Base de Datos Nacional de Subvencións.

En San Sadurniño, a data de sinatura electrónica

O alcalde,

Ante min

A Secretaria,

Secundino García Casal

Olalla Alvarez de Neyra Martínez



Concello de San Sadurniño

ANEXO – BASES REGULADORAS DA SUBVENCION

PRIMEIRA.- A presente subvención nominativa ten por obxecto establecer as bases de colaboración entre o Concello de San Sadurniño e a AGFA do Eume.

SEGUNDA.- Para o seguimento da subvención e dous seus fins poderá crearse unha Comisión Mixta de Seguimento, de carácter paritario, na que estarán representados, por parte do Concello de San Sadurniño o Alcalde ou concelleiro ou concelleira en quen delegue, e por parte da entidade beneficiaria, a persoa que ocupe a súa presidencia.

As funcións desta comisión concretaranse en:

- Facer un seguimento do cumprimento do indicado nas cláusulas da subvención.
- Revisar os acordos actuais e dar o visto e prace ás addendas que puidesen sumarse á subvención.
- Representar os intereses do Concello de San Sadurniño e da entidade beneficiaria relativos ao contido desta subvención ante as institucións públicas ou privadas coas que sexa preciso relacionarse para a consecución dos obxectivos.
- Formular cantas propostas sexan necesarias para enriquecer e mellorar o obxecto da subvención.

TERCEIRA.- O Concello de San Sadurniño comprométese a:

O Concello de San Sadurniño comprométese a compensar economicamente á AGFA do Eume polo importe dos gastos anuais ocasionados polas actividades e compromisos adquiridos polo Concello no presente convenio.

CUARTA.- Á vista de que este Concello ten entre os seus obxetivos “fomentar e dar a coñecer os froitos autóctonos do Eume e o seu contorno”. O Concello de San Sadurniño é titular da finca denominada "A Cortiña", cunha superficie de 10.041 m², delimitada, para a instalación nese espazo dunha *Horta de conservación e demostración das froiteiras autóctonas “Carlos Fornos”* das comarcas do Eume, Ferrol e Ortegal. Esta horta vén funcionando dende hai varios anos, cos seguintes obxectivos:

- Evitar a desaparición das variedades froiteiras de cultivo tradicional nas comarcas do Eume, Ferrol e Ortegal mediante a súa conservación nesta horta
- Servir de base para a posterior recuperación das variedades, mediante a distribución de enxertos a profesionais e particulares



Concello de San Sadurniño

- Servir de campo de observación para que o público coñeza as variedades froiteiras da zona.

Para dar resposta a esta necesidade é preciso subvencionar a actividade da AGFA do Eume como medio de consecución dos obxectivos indicados en colaboración coa promoción privada, toda vez que o Concello de San Sadurniño carece de medios persoais e materiais suficientes para unha actuación equivalente.

QUINTA.- As actividades a desenvolver pola entidade beneficiaria son:

- Incorporar á finca cedida novas variedades de froiteiras autóctonas (nomeadamente maceiras, pereiras, cerdeiras, ameixeiras, pexegueiros, pavías ou outras), existentes nas comarcas do Eume, Ferrol e Ortegal. Así mesmo, comprométese a repoñer aquelas froiteiras que causen baixa por diferentes motivos, como poden ser enfermidades, ataque de roedores, vandalismo etc.
- Colaborar co Concello no desenvolvemento da Feira Rural, organizando o Concurso de froita das hortas tradicionais das comarcas do Eume, Ferrolterra e Ortegal, coa finalidade de promover as froitas autóctonas da contorna, así como dous talleres prácticos, un de poda de froiteiras e outro de enxerto.
- Organizar un curso de fruticultura de 20 horas de duración mínima, que deberá ter un desconto do 50% no prezo para as veciñas e veciños de San Sadurniño.
- Facilitar o uso polo Concello ou por outras Administracións con competencias na materia, da Horta de conservación para finalidades relacionadas tanto coa divulgación e observación das actividades que nela se desenvolvan.
- Estructurar e coordinar as visitas guiadas, que terceiras persoas realicen á Horta de Conservación de Froiteiras de San Sadurniño, para promover e difundir a fruticultura e a froita autóctona. No caso de ser necesario, coordinaranse as visitas coa Asociación Casa do mel de Goente, para promover e difundir tamén a apicultura con visitas ao colmeir didáctico e/ou ás instalacións da Casa do mel en Goente-As Pontes.
- Organizar conxuntamente coa Casa do mel, a Asociación Agroecolóxica A Cortiña e o Concello o ciclo de charlas “apostando polo sector primario”.
- Facilitar o paso á Asociación Casa do mel ao colmeir didáctico situado nunha parte da parcela.
- Realizar os traballos necesarios para a conservación e mantemento de toda a Horta de Conservación de Froiteiras Autóctonas.

SEXTA.- A execución das actividades deberá realizarse ao longo do exercicio 2024, sendo subvencionables os gastos correntes relativos ao obxecto da subvención que de maneira indubitada respondan a natureza da actividade mencionada e sexan efectuados e aboados dentro do ano natural.

O outorgamento dos contratos de servizos, asistencia ou subministros necesarios para a execución da actividade corresponderalle á entidade beneficiaria. Non se poderá contratar a realización de prestacións con persoas ou entidades vinculadas á entidade beneficiaria, nin



Concello de San Sadurniño

con calquera outra na que concorran algunha das circunstancias ás que se refire o artigo 29.7 da Lei 38/2003, de 17 de novembro, xeral de subvencións.

Co fin de garantir un axeitado control da aplicación dos fondos, o pagamento deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia de data de pago e da identidade do perceptor.

SÉTIMA.- As obrigas da entidade beneficiaria serán as establecidas no artigo 11 da Lei 9/2007, de 13 de xuño, de Subvencións de Galicia, e nomeadamente as seguintes:

- Desenvolver a actividade subvencionable durante o ano 2024.
- Dar publicidade do financiamento deste Concello en calquera medio escrito, radiofónico, audiovisual ou de internet en que se publiciten as actividades da entidade, mediante a inserción da imaxe visual do Concello (imago tipo e logotipo) en toda a cartalaría, folletos e publicidade en xeral que sexan editados con ocasión do desenvolvemento de actos deportivos (Regulamento de imaxe visual corporativa do Concello, publicado no BOP nº 99 do 27/05/2013)
- A entidade fará uso tamén do logotipo do proxecto de Xeoparque do Cabo Ortegal, do que o Concello de San Sadurniño é entidade promotora, no material divulgativo que edite, toda vez que o mesmo pode ser beneficioso directa e indirectamente para a Asociación.
- Cumplir cos compromisos sobre uso da lingua galega e promoción da igualdade e a inclusión; en concreto, nas súas comunicacións e publicidade a entidade beneficiaria comprométese ao uso da lingua galega, á utilización da linguaxe inclusiva non sexista e a empregar imaxes que promovan os valores da inclusión e da igualdade.
- A entidade beneficiaria comprométese a sumarse ás campañas desenvolvidas por parte do Concello de San Sadurniño en relación á promoción da igualdade e prevención da violencia de xénero.

OITAVA.- A subvención do Concello de San Sadurniño é compatible coa percepción doutras subvencións ou axudas públicas ou privadas, que a entidade beneficiaria obteña para a mesma finalidade, sempre que o seu importe, conxuntamente co da subvención municipal, non supere en ningún caso o importe total do gasto efectivamente xustificado.

A xustificación dun importe inferior determinará a redución proporcional da achega municipal.

NOVENA.- O importe da subvención aboarase con cargo aos créditos que figuran no orzamento de gastos, destinados a tal fin e o pago realizarase previa presentación da documentación xustificativa por medios telemáticos:

- Memoria declarativa das actividades realizadas financiadas coa subvención con desglose de gastos e o seu custo



Concello de San Sadurniño

- Relación de facturas ou documentos de igual valor probatorio no tráfico mercantil dos gastos realizados xunto cos orixinais ou copias cotexadas das mesmas e os xustificantes de pago dos mesmos (poderán achegarse copias simples, e o Concello resérvase a posibilidade de solicitar a exhibición dos orixinais)
- Certificación ou declaración de terse realizado o obxecto da subvención
- Memoria explicativa da actividade xunto con xustificación documental onde conste o cumprimento das obrigas da cláusula Quinta(recortes de prensa, programas de man, fotografías...)
- Relación detallada e certificación das cantidades obtidas por subvención ou axuda de outras entidades
- Acreditación do cumprimento das obrigas tributarias e coa Seguridade Social, certificada cunha antigüidade máxima de 10 días respecto da data de presentación da conta xustificativa

As memorias declarativa e explicativa poderán presentarse nun só documento segundo modelo normalizado.

DÉCIMA.- O incumprimento dalgunha das cláusulas previstas no presente convenio de colaboración poderá levar aparellada a obriga de reintegro parcial ou total dos fondos recibidos, así como o pago dos xuros de demora que se xeren o día no que se realizou o pagamento ata o momento no que se acorde a procedencia do reintegro.

DÉCIMO PRIMEIRA.- O réxime xurídico aplicable será o establecido nesta resolución, na Ordenanza Xeral de subvencións, na Lei 9/2007, de 13 de xuño, de subvencións de Galicia, no Decreto 11/2009, de 8 de xaneiro, polo que se aproba o Regulamento da Lei 9/2007, de 13 de xuño, de subvencións de Galicia, así como na Lei 38/2003, de 17 de novembro, Xeneral de Subvencións e na súa normativa de desenvolvemento.

